

R




Yg 6741 R

122, 253

500, 100



Der Gegenstand dieses Gedichtes ist  
auch in einem Meistersiede von Pamp.  
Gengenbach behandelt, welcher das  
Bibl. besitz



Ex  
Bibl. Regia  
Berolin.



# Wie die falschen iuden die bildung

Mariæ verspottet vnd verspuwet haben.



**A**ch richer gott in ewigkeyt  
Wo schynet nit dyn barmherzigkeyt  
Das so manche schendtlich dadt  
die menschen freuel hie begadt  
nit glich gestraffe wurdte vff der statt  
Do das vbel wurdte gethon  
du hast vns all zytt frist gelon  
Vnd zyt genug zu biessen geben  
noch besseren wir vns nitt darneben  
verlieren do mit ewigs leben  
Von iuden sag ich iez besunder  
von den es mich nympt grosser wunder  
Das sy in so vil manchen landen  
begangen haben grusam schanden  
Dorumb sy sindt gebrant zerrissen  
das sy on zwyffel sicher wissen  
Noch blyben sy vff ir dumbheyt  
doran sy solten haben freydt  
das nemmens an fur hertzen leydt  
Von irem stam erbozen wardt  
maria schon die reyn vnd zart  
Durch die als heyll vff erden kam  
das ist hie von dem iudschen stam  
Des hett der iud gross lob vnd ere  
io wen es mit sym wyllen were  
Vnd er ein freyde hett doran  
das solchs ein iudsche meydt hett than  
Nun das in dienet zu den eren  
das wollendt sy nit von vns horen  
Was wir zu lob in gschezet handt



Das selbig achtents für ein schande  
Vnd die in möcht hie friden geben  
vnd dort dar zū das ewig leben  
Ich mein die müter aller genaden  
die all ir sündt hatt vff sich geladen  
Vor gott die selbig zū versprechen  
wo gott ir sün die selb wolt rechen  
Das kynnendt sy vff schelligkeyt  
Kurz ab nit achten für ein freyd  
vnd ist ir grōstes hertzen leydt  
So sy also verstecket sindt  
vnd haltendt fründt für einen findt  
Vnd ir ere für grosse schmach  
geschicht darüber nūn eyn rach  
So sindt sy selber schuldig dran  
vnd sol niemandt mit lyden han  
In keyser Maximilianus landt  
die iuden aber begangen handt  
Ein grusam schendlich myffetadt  
dornmb es in so vbel gadt  
vnd meret ir vnfal sich all tag  
Bis das er kumpt zū niderlag  
Im henigaw im osterlandt  
die böswicht das getriben handt  
Wölche lesterliche dadt  
kūnig maximilianus hatt  
zū kolmer in der werden statt  
zūn predigern malen lassen  
vnd in ewige gdechnis fassen  
das ein ieder mög verstan

Was wir doch an den iuden han  
die do gang mit vnderlan  
Vnd handt zū vns ein solchen syn  
was vns liebt das leydet yn  
Sy ermōrdent vnser kindt  
vnd sindt all vnser dōdtlich findt  
Sindt ir fünff im willen gsyn  
vber feldt wyt wandren hyn  
Vnd ongefär für ein kirchen gangen  
do hatt der ein bald angefangen  
Ach lond vns in die kirchen gon  
vnd sehen das wir auch dar von  
Reden kynden sycherlich  
wes doch der Christ gebrauchet sich  
Was syn glouben sy ir dandt  
vnd was sy für ein wesen handt  
Es ist doch niemans der das sycht  
der vns dornmb verriet syllicht  
Sy folgten im vnd gingendt dryn  
vnd stundent für ein altar hyn  
Daruff ein marien bilde stundt  
vnd kuste das Christus mit dem munde  
Dan das bild gemalet was  
das Christus vff der schossen saß  
Vnd maria hielt ir kindt  
ein iud fing an reden geschwindt  
Das ist das öd verfluchte wyb  
vff wolcher bösse wichten lyb  
Erbozen ist der falsche man  
von dem wir allen vnfal han



vnd fing das bild zu spüwen an  
 Der ander blözt den hindren dar  
 als ob er das verspottet gar  
 Der dritt zerreyß vff synen munde  
 der fierd sunst do zu spotten stunde  
 Vnd wer die gröste schmach bewiß  
 der selb nam do von in den briß  
 Der ein ließ zu der kirchen vß  
 vnd lägt ob vemans were duß  
 Sobald er niemans duffen sandt  
 zur kirchen er yn wider rant  
 Vnd iebten mer den selben spot  
 wider mariam vnd ouch gott  
 Mit schelten flüchen vnd ouch schweren  
 vnd sunst mit schentlichem enteren  
 Als pfefferkorn ouch hat gethon  
 als an der wend er fande ston  
 Sant cristoffel christum tragen  
 do fing der bößwicht an zu sagen  
 Vff der hoff stuben zu perlyn  
 do diß gemalet stunde syn  
 Du langer schalck sprach er geschwind  
 du dreyst vff dir ein hüren kind  
 Syn mütter ist ein hür gesyn  
 vnd syrtz ieg in dem hür hauß dyn  
 Des glych als Phoca keyser was  
 ist ouch fur wor geschehen das  
 Ein ind mit einem spieß durch randt  
 ein crucifix by einer wandt  
 Das wunderbarlich blüt druß ran

**Wie die falschen juden das bild**  
 Marie durch stachen vnd blüt vßher ran.





vnd sprigt den selben iuden an  
Da durch man vff die spüre kam  
vnd den iuden gefangen nam  
Gab im darumb syn verdienten lon  
als yetz die iuden ouch handt thon  
In dem gotz hauf lästerlich  
verspüwet verspottet schentelich  
Vnd andren iren mütwill geiebt  
do mit vns christen leüt betrieht  
Dem sy zü thün sindt allzyt gerist  
was vns leydt im hertzen ist  
Solch mütwill wolt got nit vertragen  
vnd ordenet lüt dar die das sagen  
möchten vnd das vbel klagen  
Ein schmidt dar vngesärllich kam  
der solchs von ferem ware nam  
Vnd wundret sich von dissen dingen  
das sie auß der kirchen giengen  
Vnd darnoch wider dorin lieffen  
ein brüder er fing an zü rieffen  
Der ongesar auch gieng die straf  
sich brüder lieber was ist das  
Wir wöllendt solchs erfahren bas  
ob sy stelen wennit etwas  
Die man die in der kirchen sindt  
die louffent vff vnd yn geschwindt  
fillicht das sy all diebe sindt  
Mich betriegen den alle myne syn  
syt das ich hie gestanden byn  
Vnd hab von ferrem zü gesehen

So müß ichs vff myn eydt veriehen  
das ich nit güts do kan erspehen  
Sy gondt nit rechten sachen noch  
den einer vff den fünffen sloch  
Darnumb so loß vns heymlich gon  
vnd binden zü der kirchen ston  
Vnd an ein heymlichen ort  
doch vff erspehen ire wort  
Sy giengendt mit eyuander dar  
vnd namendt irer sachen war  
do sahen sy den mütwill gar  
Einer auß den fünffen sprach  
ich will ietz thün ein iüdsche sach  
er zuckt den spieß das bild durch stach  
Sehe hab dir här das mit dym kindt  
du weyst wol das wir iuden sindt  
Vnd lebstu noch all hie auff erden  
also müßt ouch durch stochen werden  
Myn hertz erkielet ich in mir  
wie ich dyn bild durch stache dir  
Doch nym das ietz für dynen lon  
das vns dyn kindt vff erd hat gthon  
Als er das bild durch die stürnen stieß  
das rot blüt gwan syn vffher fließ  
Daran ir ettlich hatten gruwen  
vnd sieng die dadt sy an geruwen  
Do sprach der selbig bößwicht glich  
der düffel düt das sicherlich  
Der schmidt sprang bald har von der thür  
vnd zuckt was er dan trüg syn geschür



**Wie der schmidt und brüder die  
Saden von den juden eynem apt klagten.**



Und wolt den juden han erschlagen  
die andren wozent all veriagen  
Allein was im vff disen gach  
der mit dem spieß das bild durch stach  
der brüder weret im vnd sprach  
Ich neyn sprach er nit thū ein mozt  
hie an dissem geweichten ort  
Wir wöllenz anderswo wol klagten  
vnd der rechten herschafft sagen  
Als der schmidt von zorn abstunde  
der iud gar bald entrynen künde  
Als nün der iud entrunen was  
der da hatt begangen das  
Sprach zū dem brüder bald der schmidt  
worlich will ichs verschwigen nit  
Ich will solchs von den iuden sagen  
vnd offentlich der herschafft klagten  
Der brüder sprach nit lieber fründt  
solch grosse sachen mislich sindt  
Ich weys dar zū ein bessern radt  
das wir beyde gingendt drat  
Für einen apt den weis ich wol  
das er ist aller wysheit fol  
Und kan vns beyde wol berichten  
in disser grusamllicher geschichten  
So es doch trifft den glouben an  
dozyn er vns wol wyssen kan  
Was daryn zū handlen syge  
oder ob man dar zū schwyge  
Oder das solt wyter klagten



vnd weltlichen richtern sagen  
 Sy kamendt für den apt gegangen  
 der schmidt zu reden hatt angefangen  
 Würdiger herz wir klagedt hie  
 das vor vff erd wardt ghöret nie  
 Die inden handt wir also funden  
 das sy vor einem alter stunden  
 Der ein ein marien bild durch stach  
 das blüt ich vff her fließen sach  
 Bald mocht ich mich behalten nit  
 ich lieff her für sprach sich der schmydt  
 Ich wolt den bößwicht han erschlagen  
 do sieng der brüder an zu sagen  
 ich möcht daran kein eer erlagen  
 Das ich an einem gwychten ort  
 ein menschen selber hett ermort  
 Do mit er mir das hatt gewört  
 das ich mich von dem bößwicht kört  
 Bis er zu letst vns beyden entran  
 der selbig schalck bößhafftig man  
 Nün sind wir beyd worden zu radt  
 das wir das sagen vch getradt  
 Vnd ir vns geben ein bericht  
 wie wir doch detten diser gschicht  
 Der apt sprach wider lieben frindt  
 fürwor das grusam meren sindt  
 darin man vrteylt nit geschwindt  
 Man muß nit gahen in den dingen  
 vnd luter solchs zu reden bringen  
 Vff das niemants verwatte sich

**Wie ein engel dem schmydt beualhe**  
 die daden gegen dem Juden zu rechen.





in solcher sache zu gehelich  
Ich gloubs für wor red ich dor von  
gott würdts nit vngerochen lon  
Dorumb wir ettlich zytt vnd tag  
styll schwigen disse grosse klag  
Ob do zwischen in der zytt  
vns gott sillicht ermanung gytt  
Was wir daruf sollen machen  
vnd wie irs halten in den sachen  
Gott ladts für wor nit vngerochen  
das sy das bilde handt durch stochen  
Alß nün dem schmydt anlag die sache  
vnd er zu nacht lag an gemach  
Erschein ein engel vor im ston  
ermant in das er nit solt lon  
Vngerochen solche dadt  
die er doch selbs gesehen hatt  
dorumb er in do fründtlich batt  
Den es kurz ab gotts meinung wer  
das solche dadt solt rechen er  
Die vnzücht vnd die grosse schmach  
die maria bildung bschach  
gott geb im in sein hend das rach  
Sett er gunst vnd lieb im synn  
zu der hymmel künnegin  
So solt er achten ire schandt  
allß ob sy es im bewissen handt  
maria wurd im thün bystandt  
Vnd ob er nit das mercken kundt  
wie er die sachen vnderstundt

So sol er das sym pfarer klagen  
der wirt ym wol bericht dyn sagen  
Wie er sich dorin halten solt  
so er die vnere rechen wolt  
Vor ab so gott im stür verhieß  
dor zu maria nit verlief  
Im wurd vff erd schaden kein man  
so gott syn stür dor zu hat than  
dorumb solt er es griffen an  
Vnd doryn nit erschrocken syn  
maria dett im hilffe schyn  
do mit verschwand der engel hyn  
Der schmydt zu synem pfarer ging  
vor im zu reden anefing  
hört lieber herz ein grusam ding  
Ich kam salb ander vff ein zyt  
zu einer kirchen die do lytt  
Vff dem feld doryn ich fandt  
fünff iuden vor ein altar standt  
Die noch sil schmach wort die sy dedten  
ein marien bild durch stochen hetten  
Das das heylig blüt vff ran  
den wolt ich do erstochen han  
Das selbig ward misraten mir  
von ein brüder der lieff har für  
Vnd weret mir am selben ort  
das ich den iuden nit ermordt  
Bis das der böfwicht mir entran  
den ich syt nit gesehen han  
Vff radt des brüders bin ich gangen



**Wie der pfärer dem schmydt miß**  
riedt die sachen zü klagen/ die er jm für geleyt hatt.



vnd hab von einem apt empfangen  
Synen radt in disser sachen  
was ich vß disser dadt solt machen  
Der selb hett mir geraten schon  
das ich ein zytt solt stille ston  
Ob got do zwischen durch syn gies  
mir selber in der sachen riet  
Nân bin ich gelegen in mym bett  
do gott mir hien gesendet hett  
Synen engel der mir sagte  
das ich die grusam dadten klagte  
Den got durch solchs schêtlichs durch stechē  
mit mynen henden wolte rechen  
Vnd wolt maria mir by stan  
ich solts nûr dapffer griffen an  
gott wolt mich nit in nôten lan  
Do mit der engel mir beualhe  
das ichs vch sagte vber alle  
Vnd ir mir rieten in dem fall  
fürwar ich treib kein spot noch schall  
Der priester sprach myn lieber fründt  
fürwar das grusam reden syndt  
Darin nit güt zü handeln ist  
vorab eim dem wyfheitten brist  
Ich bin der sachen vnbericht  
es ist ein grusamlich geschicht  
Vnd ein grusam ane klag  
kumpstu für mit solcher sag  
So trifft es lyb vnd leben an  
vnd zü lest will es sich kum bewerer lan



Du müßts by bringen vff den man  
der solchs vbel hat gethan  
Man glaubt nit lychtlich in den dingen  
Kundstu den das nit by bringen  
So würstu in glych straffen kumen  
wie du den iuden für hatst genumen  
Darumb bedenc̄t für sich tiglich  
ee das du dryn ergebest dich  
an klagen das ist myffelich  
So sindt die iuden also behendt  
so bald dyn anlag sy verstendt  
Dan strecken sy groß gelt doran  
das niemans dan nüt schaffen kan  
Do mit verfiereñs manchen man  
solchs handt sy offt mit schencken than  
Wo du den sprichst es were dir  
ein engel gottes kumen für  
Der dich zū solchem het ermandt  
das gloubt man dir dan nit zū handt  
Den disse welt ist also gesit  
das sy solch ding gelouben nit  
Was vñ wyßt die götlich gschriefft  
oder heylig ding antriffet  
So griffet man nit den iuden an  
Vff reden eines einzigen man  
wo man nit vor hatt ein argwan  
Vnd ob man schon in sohen wurdet  
vnd mit pynen fragen furt  
Vnd er dan nüt do wurd feriehen  
so wer es dan vmb dich geschehen

Vnd wo mans für ein lügen ächt  
so würd dir selb do straff gemacht  
dorumb die sach du baß betracht  
Daryn ich gib ein solchen radt  
das du verschwygest disse dadt  
Vnd standest styll noch ertlich tag  
ee du fürbringest dise klag  
Do zwischen hoff vnd trw ich got  
das er vns beyde wissen lodt  
Wie wir die sachen gryffend an  
vff das darin würd recht gethan  
Gott würdt vns das wol wissen lan  
will er die sach gerochen han  
Do zwischen volge du myner lere  
dyn hertz zū grossen andacht kere  
Vnd die zyt zū ynnigkeyt  
maria zart du reyne meyde  
das sie dir sy zū hilff bereyt  
Den was du mir do hast gesagt  
vnd von dem öden iuden klagt  
Als ein bichtnatter gloub ich dir  
wie du mir das hast geleet für  
So nün menschliche witz vnd syn  
keyn radtschlag mögen finden dyn  
So müß man sich zū gott wol keren  
das er die sach vns wölle leren  
Mit klein dis sach ich scherzen kan  
den sy trifft lyb vnd leben an  
Vnd rach dar zū vber eine dadt  
darin man öd be flecket hat



**Wie Marie dem Schmydt des nach-**  
 tes erschein vnd ym sein sünden emmen sterte.



Mariam zart die künnegyu  
 dorumb schick dich zü bichten syn  
 das sie dyn helfferin wöll syn  
 Das doch den iuden werd ir lon  
 das sy solch vbels handt gethon  
 Alle hoffnung die wir tragen  
 so wir vnser sünden klagen  
 Von diser welte scheiden wellen  
 oder sunst in vnfal fellen  
 So rieffendt wir mariam an  
 das sy ein mütter wel by stan  
 Solten wir den lyden diß  
 ein iud ir ere also beschif  
 Der schmydt von synem pfarer ging  
 dar zü ein andacht ane sing  
 zü bychten vnd flissig zü betten  
 noch dem sy im geradten hetten  
 Der apt vnd ouch der pfarer syn  
 vor ab ouch nach des engelß schyn  
 Das got syn bitten wolt er fillen  
 maria zart ouch iren willen  
 Im geben wolten zü verston  
 ob er die sach solt fallen lon  
 Verschwygen oder lurbrecht machen  
 er wer zü kündsch in diser sachen  
 Als er nän lag vff ein nacht  
 vnd solches wyt vnd hoch bedracht  
 Bald stund er vff vnd knüwet nider  
 vnd fing an flyssig bitten wider  
 Maria zart sprach er mit bit



ich bin ein armer schlechter schmydt  
Dar zu ein einfeltig man  
der nit so hoch betrachten kan  
wie ich die sach möcht griffen an  
Ich han dyn bildung sehen durch stechen  
ob ich aber das selb sol rechen  
Das wöllendt sy mir radten nit  
vnd ziehendt ab mich ouch da mit  
Nun kan ichs worlich nit bedencken  
das ich den iuden des mög schencken  
Vnd solche grusam vbel dadt  
die man an dir begangen hat  
Sol ganz vnd gar so lassen lygen  
vnd das es blybe ganz verschwigen  
Ich förcht gott wurd das an mir rechen  
vnd mir myn leben drum ab brechen  
In gyner welt ein lone drum geben  
der mir dort kummen würd nit eben  
Dorumb erman ich dich iungfrow schon  
dyner eren dyner kron  
du wölst mir geben zu verston  
Wie ich sol thun in diser sachen  
oder was ich druf sol machen  
Ich hab fur wor in alln myn tagen  
ein solch frum hertz zu dir getragen  
Das ich myn lyb vnd als myn leben  
fur rettung dyner ere het geben  
Vnd rüwet mich ietz ewigklich  
das ich die dadt nit rache glich  
ach got der brüder hindret mich

Zum andren wardt zu mir gesandt  
ein engel der mich rachs ermandt  
Noch hatt man mirs als wider ratden  
das ich nit rüche disse dadten  
Myn ougen ratden mir das rach  
vnd den engel den ich sach  
Allein ich dyner antwurt wart  
maria rein du edle zart  
Als nun der schmydt dett solche redt  
also knüwendt vor dem betd  
Erschein im vor syn ougen clar  
maria die was kummen dar  
Das blüt ir vß der stürnen ran  
do hien der iud den stich hett than  
vnd sieng also zu reden an  
Myn diener vnd du frumer schmidt  
lüg das du doran zwifelest nit  
Was dir der engel beuolhen hatt  
das selb düt er vß gottes radt  
Der im beualhe die selbe sach  
das du solt thun ein findtlich rach  
vber disse grosse schmach  
Die mir vnd mynem lieben kinde  
von iuden hie begegnet sindt  
Die hie so grossen mütwil tryben  
das nüt doran ist vber belyben  
Sy handt verspottet vnd veracht  
mit scheltworten vns verlacht  
Darnoch mit einem spieß durch stochen  
das selbig sol nun werden gerochen



Durch gotts beuelhe mit dyner handt  
 so wil ich thun dir ouch bystandt  
 zu lon vnd straff der grossen schandt  
 Das mencklich in der sach muß iehen  
 das wir all ding im hymmel sehen  
 Vnd den belonen der vns eret  
 vnd straffen den der solches weret  
 Ich bin dyns gangs ein vrsach gsyn  
 das du ongefär bist kummen hyn  
 Vnd das selb gesehen hast  
 der iuden grossen vberlast  
 Bis starck vnd gang der klagen nach  
 den du must thun das selbig rath  
 Der schmydt von maria so ermant  
 dradt für den graffen bald zu handt  
 Vnd fleng den iuden zu klagen an  
 der den stich ins bild hatt than  
 Er sprach myn herz ich muß vch klagen  
 ein grusam vbeldadten sagen  
 die ich nit lenger mag vertragen  
 Ich kam in ein capellen gon  
 heymlich wolt mich nit sehen lon  
 Ich vnd noch ein brüder mit  
 gloubt mir myn herz sprach sich der schmydt  
 Do sahendt wir fünff iuden ston  
 vor einem bild maria fron  
 dem sy groß schmach handt angethon  
 Mit spotten/spüwen vnd verlachen  
 wir namendt war der selben sachen  
 So zuckt ein iud ein grossen spieß

**Wie der schmydt dem Brauen die  
 vbeldadten klage von den falschen iuden.**





den er do in das bilde stief  
Marie der hymel künegin  
oben zu der stürnen yn  
Ich wolt den böswicht han erdödt  
ein brüder mir geweret hett  
Ich hab des gewichten orts geschont  
ich hett dem iuden sunst gelont  
Nun hab ich dor zu radts gepflegt  
vnd geleerte leit dorumb gefregt  
Die haben mich noch myner fragen  
alle zyt mer vff gezogen  
Das ich die sach ließ stylle ston  
vnd ettlich zyten vumbergon  
Ob gott do zwischen sandt ein radt  
wie man doch dett der vbel dadt  
Ob gott der herz die grosse schmach  
straffen wolt mit synem rach  
Nun ist in mittler zyt geschehen  
das ich ein engel hab gesehen  
Der mich die sach hett heysen rechen  
das kein iud nymmer dörf durch stechen  
Die bildung marie der reynen meydt  
noch dennoch hab ich lenger gebeyt  
vnd niemans von der sach geseyt  
Bis mir zu lest erschinen sindt  
maria vnd ir liebes kindt  
Wie ir bild gemalet was  
vnd haben mir beuolhen das  
Das ich von iren wegen rich  
dissen lesterlichen stich

Das will ich herz vor vch bestan  
als ein frummer cristen man  
vnd wilf also geklaget han  
Noch ein brüder was by myr  
der mit mir stundt hinder der thyr  
Vnd hatt das ouch also gesehen  
wie ich das hie hab veriehen  
Das laßt vch edler graff vnd herz  
zu hertzen gan diß kleglich merz  
Der graff sprach wider lieber frindt  
dyn wort mir worlich grusam sindt  
dorynn ich nit verstandt noch sindt  
Das ich den iuden dorumb sohe  
vnd so ylendts mit ym gohe  
Das ich in pynlich fraget mere  
wenn vor vff in ein arg won were  
Doch miest er dennoch nit syn schlecht  
ich muß in blyben lon by recht  
Wie wol er ist ein iud geboren  
noch muß im recht nit syn verloren  
Ich muß im recht gedyen lon  
hett er das nun nit gethon  
so wurd es vber dir vff gon  
Wo es aber sych er findt  
das die iuden schuldig sindt  
Den wolt ich doryn halten mich  
das menglich sehe offentlich  
Das mir die sach zu hertzen gadt  
wo ich wie recht erfind die dadt  
Der schmydt sprach gnediger herze myn



ich byn doch nit allein gesyn  
 Es ist ein brüder by mir gstanden  
 der hatt ouch gesehen disse schanden  
 Der selb hilfft mir die sach bezüngen  
 Das ich für wor das nit erlügen  
 Ich bezüg michs vff den selben man  
 Das der iud den stich hatt than  
 Fragt in der würt mir kuntschafft geben  
 Des klag ich vff syn lyb vnd leben  
 Vnd blyb vff myner klagen hart  
 Was mir doch dorumb wider fart  
 Ich wils also geklaget han  
 wie ich myn reden hab gethan  
 doruff will ich belyben star  
 Dem graffen lag die sach hert an  
 als einem frumen cristen man  
 Das er besamlet eynen radt  
 mit denen er ein radtschlag dadt  
 Da wardt sych funden mit dem mere  
 das solch anklag vn sicher were  
 Doch solt man sy berieffen beydt  
 vnd hören was ein yeder seydt  
 das wer zü mercken in sunderheyt  
 Den brüder solt man nemen für  
 den schmydt lon ston duf vor der thür  
 Vnd wurden sy dan ein red sagen  
 ouch glych redig vom iuden klagen  
 so möcht der grass den peinlich fragen  
 Vnd den iuden strecken bas  
 bis er veriehe alles das

**Wie der Braue den schmydt vnd**  
 brüder behöret vnd eydiget sy vor dem apt.





wie er von in verklaget was  
Der graffe bald noch dem apte sandt  
vnd fing sy fragen an zū handt  
Vnder inen iedem allein  
der ander hort des reden kein  
Alf man yeden behöret hett  
wie der brüder hatt geredt  
Des glych was ouch des schmydtes sag  
vnd felet nit von des brüders klag  
Voch was es also angeleyt  
das man in beyde geb ein eydt  
By dem sy solten behalten das  
das im so wer wie es klaget was  
Der apt ein crüz nam in syn handt  
vnd sprach in beyder do bystandt  
Betracht vch wol ir lieben frindt  
das wir all vbernechtig sindt  
Vnd was wir hie vff erde klagen  
sol syn alf ob wirs vor got sagen  
By ewiger verdampnis in sym leben  
sol niemans falsche kundtschafft geben  
Des iüngsten gerichtts ich vch erman  
so secht das lyden Christi an  
Sagt vns by gots heyligen thron  
ob der iud den stich hab thon  
Vnd an dem bild ein schuldt gewan  
das von dem bild das blüt vff ran  
Jo schweren ir ein falschen eydt  
es wirt vch by got ewig leydt  
Sagt dem iuden wie dem christen

vnder worheit solt kein lügen mischen  
Hebt vff vnd schwerdt by gottes wunden  
das ir den iuden also habent sünden  
Das er das heylig bild durch stach  
vnd yeder das mit ougen sach  
Schwert vff das irs nit thünd vff haf  
sunder das ym also was  
Vnd wo ym dan nit also were  
das an vch straff das gott der herze  
Der selbig gott der mit der dadt  
kein falscheyt vngestraffet ladt  
Solchs gabendt sy do einen eydt  
vnuerscheydlich alle beyd  
das es wer wie sy hattendt geseyt  
Der graff lief in der sachen gohen  
vnd den iuden ylents sohen  
Darnoch er in vff strecken hief  
vnd hing im stein an seine fief  
do wytter in den fragen hief  
Er sprach iud ich hab das gelet  
vnd die klag wol vberhört  
In dem grundt mit manchem man  
das ich nit anders finden kan  
du habst den stich ins bild gethan  
Was der schmydt hatt vff dich klagt  
das hatt der brüder ouch gesagt  
Ich hab sy von ein ander gelon  
noch handt sy glische reden thon  
das selb bringt mir vff dich argwon  
Des hab ich gryffen lon zū dir



Das du iezundt hie sagest mir  
 Was dich dor zu beweget hat  
 zu thun ein solche vbel dadt  
 Vns christen lüten hie zu schmach  
 ich muß der dadten thun das rach  
 Dem iuden ließ er vff hyn strecken  
 ob er den handel würd entdeckten  
 Vnd veriehen alles das  
 wie es durch in verhandlet was  
 Der iud riefft ab dem herzen zu  
 gnediger herz mich ab her thū  
 Ich hab ein rede die will ich sagen  
 verantwurt thun der falschen klagen  
 Der herz hieß in her abher lassen  
 syn antwurt ließ ein schriber fassen  
 Do sing der iud zu reden an  
 herz das hab ich nit gethan  
 Ich hab gewont in irwerm landt  
 solch ding wardt nie von mir bekandt  
 Ab mir hatt nie geklagt kein kint  
 differ schmidt der ist myn findt  
 Vnd hatt mir das zu leyd gethon  
 das ich argwenig hie muß ston  
 Vnd on myn schuld so mit geferd  
 muß vor vch hie gestreckt werd  
 Vnd wurd gepiniget an dem ort  
 nür vff syn klag vnd vmb ein wort  
 als ich hett thon ein grossen mort  
 Ich hett ein schlechtes rach gethan  
 solt ich ein byld durch stochen han


**Wie der Braue den juden myter**  
 peinlich ließ frage vñ der jud sich eins kampffs erbode.





Das weder leben hatt noch syn  
 wist das ich ganz vnschuldig byn  
 Wen ir myn aderen all zerrissen  
 so kan ich doch nit anders wissen  
 Das ich vnschuldig wurdts gezogen  
 vnd hetts der schmydt vff mich erlogen  
 Vnd fälschlich vff mich erdicht  
 vnd ein kundtschafft zü gericht  
 Ich bin ein arm gefangen man  
 der vff diß mal nit anders kan  
 Wo mir aber würd gegundt  
 ich wolt mit handt vnd ouch mit mundt  
 Den schmydt in einem kampff beston  
 das er mir vnrecht hatt gethon  
 Vff solchs anmüten sprach der schmyde  
 die red mag ich verdragen nit  
 Ich hab kein lügen hie har brocht  
 vnd die dadten nit erdocht  
 Ich habs mit mynen ougen gsehen  
 wie es der brüder hatt veriehen  
 Vnd wie ichs selber hab geklagt  
 vnd dem herren hab gesagt  
 Noch allem spotten vnd verachten  
 als ir das marien bild verlachten  
 Setstu dennocht noch kein verniegen  
 ich wils vff dich hie nit erliegen  
 Stachstu noch dem bilde dar  
 das das rote blüt lieff har  
 Von der stirnen der bildung schon  
 du hasts mit dyner handt gethon

**Wie der schmydt den erbottenen  
 kampff gegen dem Juden an nam vnd im oblag.**





Wie kanstu böß wicht leugnen das  
du weißt das ich erzürnt drum was  
Vnd wer der brüder nit gesyn  
ich hett dyr genumen das leben dyn  
Glich vff der selben den zu mal stadt  
do du begingst die vbel dadt  
Nun so du mir das mütest an  
du wölft mich in ein kampff bestan  
das ich dich hab gelogen an  
Vnd wilt dyn leben an mich wogen  
das ich ein solches hab erlogen  
Vnd vff dich felschlich erdicht  
vnd sagst du habsts begangen nicht  
Ouch wilt dich retten mit der handt  
vnd vff mich drechen dyne schandt  
Ich hab dich worlich angeklagt  
vnd byn noch nit so gar verzagt  
Vnd nym den kampff mit freyden an  
vnd wil dich als ein frumer man  
mit mundt vnd handt im kampff bestan  
Jez denck ich erst der selben wort  
die ich von maria hab gehört  
Die mir das selb gesaget hatt  
ich werd die selbig vbel dadt  
Rechen mit myner eigen handt  
sy wöll mir selb thun ein bystandt  
Der graff verwilliget in die ding  
vnd lief in machen eynen ring  
Vnd gab in beyden glich gewer  
lief sandt vnd schrancken sieren her

Vnd was gehört zu solchen sachen  
das lief er alles flissig machen  
Als nun kam der gesagte tag  
kam grosse welt als ich vch sag  
Vnd wolten sehen des ein endt  
wölcher doch den andren schendt  
Der iud meynt selber ob zu lygen  
doch was es nit in sym vermügen  
Den yn der schmydt manlich gewan  
vnd warff in gweltig vff den plan  
Er hett sich genzlich do gerochen  
vnd den iuden gar erstochen  
Doch hett der graff im das gewert  
vnd den schmydt vom iuden kert  
Er müst darnoch schentlicher sterben  
vnd nit erlich im kampff verderben  
Der graue als vor versprochen was  
hatt lossen alles ordenen das  
Das man mit priestern vnd mit herren  
dem schmydt an dädt fast grosse eren  
Als dem der lyb vnd auch syn leben  
für die mütter gots hett dar gegeben  
In irem dienst bis in den dode  
dem sy geholffen hatt vff nott  
Vnd hie vff erd der eren gyndt  
dar zu er dort syn belonung findt  
Vnd dem iuden ouch gegeben  
wie ers verdienet hatt do neben  
Es was versprochen als vor hyn  
wer vnder in den kampff gewyn



Wie der Graue den iuden liez  
 schentlichen vffschleiffen zu dem galgen.



Den andren solt man straffen dradt  
 als hett er gthon die vbel dadt  
 Dorumb dem iuden was bereyt  
 das man in vff ein brett hyn leyt  
 Vnd schleipfft in zu dem halß gericht  
 durch das kott den bösen wicht  
 Darnoch man beyt bis yederman  
 vnd das gericht mocht zamen stan.  
 Do hyn kam so ein grosse welt  
 die sich all hatt do hyn gestelt  
 Wer wyt vnd breytt das hatt vernumen  
 der was vff solchen kampff dar kumen  
 Ouch das sy sahen solches racy  
 geschehen vber disse schmach  
 Die vnser frouwen was geschehen  
 sy wolten all das wunder sehen  
 Das vrt Eyl wardt vom grauen geben  
 das man dem iuden solt syn leben  
 Nement frembt ouch der erden  
 vnd an syn sieß gehencket werden  
 Ouch neben in zwen grosse bundt  
 do by er wol vermercken kundt  
 Wie man all iuden vnd in acht  
 die solches vbel handt erdacht  
 Vnd all tag vnseren glouben schmehen  
 wie wol sy grosse wunder sehen  
 Vnd besseren sich doch nit doran  
 dorumb solt er die straffen han  
 Verbrenet werden also hangen  
 das er das vbel hett begangen.



Wie der Graue den Juden liez er  
 Henckē mit zweyē rüden vnd verbrenē vnd dem galgē.



Syn dadt solt also werden gerochen  
 Das er die bildung hat durch stochen  
 Das sich in kundtschafft funden hatt  
 vnd dennoch leugnet er die dadt  
 Auch christen leit hat vnderstanden  
 zū bringen in die selben schanden  
 Die er selber hatt gethon  
 das was do syn verdienter lon  
 Das er müst hangen vnd auch brennen  
 do by doch menglich mög erkennen  
 Wer zū maria der reinen meydt  
 ein besundern nyd vnd vngunst dreydt  
 Vnd ir der grossen ere mit gündt  
 ir vnd irem lieben kindt  
 Der selb so sil doran gewindt  
 Als differ iud gewonnen hatt  
 in der schendtlichen vbel dadt.

Wie die verstopfften juden das  
 heylig würdigk Sacramēt zū sch-  
 mach dem blüt vergiessen Ihesu  
 christi gegen vnz christē verachtē.



**D**er jud hat sich so lāg geiebt  
vnd manch cristlich hertz betrieht  
Mit grossen schmachten vnd mit schanden  
die er hatt thon in manchen landen  
Wider götliche maiestadt  
der sich by vns verendret hatt  
Durch syn macht vnd grossen gwalt  
transubstantiert in brots gestalt  
Das selbig ewig hymelbrott  
als Christus für vns ging in dodt  
Vf lieb vnd gots barmherzigkeyt  
ließ er die lez der cristenheyt  
Das selbig brot vnd sacrament  
Entpfocht der crist von des priesters hendt  
wen sy vom leben scheyden wendt  
Vnd handt ir hoffnung daruff gesetzt  
das brot für ire hilff gescherzt  
Wie sy in krafft des selben brott  
ein ieder für gots angesicht godt  
do mit er sich berichten lodt  
Vnd wie der christ in synem leben  
das selbig brot im offt ladet geben  
Vnd wurdet geystlich dar von gespist  
des glich im dodt er sich ouch flist  
Das im des brodts ouch nit zerryn  
wen syn sele wyl faren hyn  
Ich gibe mit kurzer red verstan  
das wir all vnser hoffnung han  
Zu des brotes sacrament  
das der öd iud hatt geschendt

An so manchem ort vff erden  
wie lang wil es doch vertragen werden  
Schlieg ich ein cristen in syn mundt  
ich würd gefangen vff der stundt  
Man geb myr myn verdienten lon  
die iuden ladet man aber gon  
wen sy schon grössers haben thon  
Vnd handt das sacrament durch stochem  
das selb londt wir offt vngerochen  
Vnd ob wir schon das selbig rechen  
das sy das sacrament durch stechen  
So gschit es doch so gschlechtlich  
das ich vff eyd vnd worheit sprich  
Das ein solches kieles rach  
der cristenheyt bring grosse schmach  
Was ist es das man dry verbrent  
die das heylig sacrament  
Durch stochem vnd enteret handt  
die andren laßt man gon im landt  
Vnd sindt im hertzen schultig dran  
wie wol sy es sunst nit handt gethan  
Mit der hendt vnd mit der dadt  
die wurzel do der sam vf gadt  
Die solt man einmal gar vf rüiten  
als man dett in alten zyten  
In franckerich do sy onch hendt  
enteret do das sacrament  
vnd gott im hymel ob geschendt  
Do hett man sy vertriben gar  
mit huffen vnd mit grosser schar



Das keiner mer dar kummen dar  
Do by mag mercken ieder man  
das der frantzof hatt das gethan  
Als einer dem zu hertzen gadt  
wo man enteret gots maiestadt  
Wir düttschen dündt so kiel zün sachen  
das wir so grufam ding verlachen  
vß grossen ding ganz nüt druf machen  
Wie wir gots lieb im hertzen tragen  
also dündt wir in solchen sagen  
dorumb wir kleine ere erlagen  
Das wir die böfwicht nit gemeyn  
vertryben all vnd lassen keyn  
By vns wonnen in dem landt  
das sy vns also geschendet handt  
Vnser ere vnd sacrament  
dor zu wir all vnser hoffnung hendt  
Sy möchten vns doch lon genieffen  
das wir die böfwicht ziehen miessen  
Miessig vnd sy beschitzen lon  
so sy vor vns spazieren gon  
Vnd schelmen vns das vnser ab  
das mancher kumpt an bettel stab  
Mit wücher vnd mit yber nüt  
kein herz sprech doch zu innen drüt  
Last von iwerem spot im landt  
den ir bis har getriben handt  
Wölt ir gott nit schühen dran  
so sehen doch die menschen an  
wie wol ir des nit'glauben han

Noch gloubt der christ ans sacrament  
so londt im doch das vngeschendt  
Dorumb das ers in eren dreyt  
die eer dündt doch der christenheyt  
Wölt irs gott nit thün zün eren  
so solt ir doch die christen hören  
Die vch fry ledig lassen sitzen  
vnd vch behusen vnd beschitzen  
Sy gwynnen vch für mit der handt  
das ir so habt ein fryen standt  
Ernerent all vch miessig gon  
dorumb ir billich solten lon  
ir heyligkeit vnd bilder ston  
Die sy allein dar malen lassen  
das sy in synn vnd dechnüß fassen  
Deren die im hymmel sindt  
vnd dohen ewig gottes frindt  
Kein bild noch holz wir bettendt an  
als iwer ieder liegen kan  
Vnd das syne kinder leren  
wie das wir stein vnd hölzer eren  
Vnd liegendt das in iweren halß  
den wir das malen lassen als  
In bedütungs wyß allein  
dyn christ der büget syne bein  
gegen holz bild oder stein  
Doch wil ich dar von reden mer  
so sich die sach begibet her  
vom sacrament ist ietz myn wort



das ir doch an so manchem ort  
Handt zerstoehen vnd zerrissen  
verbrandt vnd mit den zenen bitten  
Vnd andre schandt handt mer gethon  
das ich nit reden wyl dar von  
Mich dunckt des schimpffs wer schier genüg  
vff hörens hettendt ir güt füg  
Den warlich würd es lenger weren  
Vnd wolten vns also enteren  
Vns vnd vnserer heyligkeyt  
es würd züm erst vch werden leyt  
Das ir aber mir nit diegen  
als ir sunst all wegen liegen  
Ir habendt solches nit gethon  
so wyll ichs vch bezugen schon  
fragt ein ganze statt von hall  
die werden mir das zügen all  
Ich meyn das hall in hessen landt  
die selben do verbrenet handt  
Vnd zerrissen ouch mit zangen  
das ein iud auch hat begangen  
Der leyden hatt dry sacrament  
gestolen mit syn eygner hendt  
Das ein durch stoehen vff der mossen  
das rotes blüt ist druff geflossen  
Da durch vch gott so wunderbarlich  
erzeigt vnd manet vch gieteklich  
Deglich mit wunder zeichen schon  
das ir von schalkeyt abeston

des sagt ir im ein schlechten lon  
Die andren zwey hatt er verholen  
noch dem er sy vor hatt gestolen  
Vnd hett sy vch verkouffet beyd  
des kam er in groß hertzen leyd  
Das disse dadten sy geschehen  
das hatt er selber clor veriehen  
Dorumb ich das bezugen kan  
me dan mit dryssig tusendt man  
¶ Des glich hendt ir ouch zü perlin  
ein schentlich dadten brocket yn  
Do ir das heylig sacrament  
in ander brot verwürcket hendt  
Vnd das zü schmach der cristenheyt  
vff eine hochzeyt handt bereyt  
Vnd g sagt do ir sindt nider gessen  
ir wölt der cristen hergot essen  
Do selbs man wol hett kynnen schouwen  
das yr in nit handt kynt verdouwen  
Vnd sindt kleglich erwürget dran  
den andren deyl durch stoehen han  
des gab man vch verdienten lan  
Solchs müß ich für ein kundtschafft sagen  
den es geschah in vnseren tagen  
dorumb wirs billich mögen klagen  
Den wirs mit ougen handt gesehen  
so handt ir das ouch selbs veriehen  
Vnd wie ir sagten in der gicht  
so felt es vmb ein herly nicht



Wie ir das veriehen handt  
noch ir wer red es sich erfandt  
wie ir selber habet bekandt  
Man hatt vch von einander gelon  
so handt ir glyche red gethon  
Do mit die worheit funden ist  
vnd luthar worden ir wer list

Die dritzte kundtschafft sagt vns vor:  
als man zalt fierhundert ior  
Dusendtzwey vnd nünzig mit  
do handt ir ouch gesyret nit  
Vnd einen priester peter genant  
ab kouffet in dem beyer landt  
Zwey heylig wirdig sacrament  
die ir ouch beyd durch stoehen hendt  
do mit vns christen lüt geschendt  
In dem fleck zu sternenbach  
die selbig grusam dadt geschach  
do man das sacrament durch stach  
Da hatt man ir wer sil verbrandt  
dis ist im beyer landt bekandt  
Des hab ich disse kundtschafft genummen:  
das ich mög vff die worheit kummen

Die fierde kundtschafft ich iez sag  
das ich vch worlich aneklag  
Vnd vch dieg nit vngerecht  
als ir den all zyten spricht  
Ich weiß wol was vch schelmen brist  
vch wardt nie gnügsam hie ein christ

Den ir dor zu achten güt  
das wider vch er kundtschafft dat  
Ir wölt allein die welt betriegen  
vnd miessen vch alle cristen liegen  
Wir sindt vch besser zu eyr worheit  
den all ir wer indischeyt  
findt es sich nit wie ich sag  
so thü frölich vff mich ein klag  
So wil ich selber mit dir brennen  
wo erber leit das selb erkennen  
Das ich vch an lieg in mym dicht  
do sich das selb erfinde nicht  
Noch cristus gbur. M. ccc. xxxvij. ior  
do handt ir ouch gethon wie vor  
Das sacrament handt ir durch stoehen  
vnd handts im offen wöllen kochen  
Den ir es darin geworffen handt  
darnoch do es do nit verbrandt  
Do handt ir es vff ein ambusz tragen  
vnd mit hamerem druff geschlagen  
Nun ist vch in der selben dadt  
worden kundt gots maiestadt  
Den ir das selb gesehen hendt  
das ir das wirdig sacrament  
Mit möchten legen vmb ein hor  
den es im feür schwebt ob entbor  
Zerschlagen habet irs mügen nicht  
das stadt als sampt in ir wer vergicht  
Vnd hatt sich kundtlich also funden



an allem ort in allen stunden  
Wie ir das veriehen handt  
dorumb hatt man vch all verbrandt  
zü dockendorff in dem beyer landt  
Mancher christ hatt dorab wunder  
von dem sacrament besunder  
Wen solche wunder zeichen gschehen  
vnd die iuden das selb sehen  
Als wen sy das zerstoehen handt  
vnd das blüt ist vshar gerandt  
Wozen sy sich doch nit bekören  
so sy das selbig sehen vnd hören  
Dem selben gib ich zü verston  
sy handts gesehen alles schon  
Vnd handt kein zwysal an der gschicht  
das sy es aber glouben nicht  
Sy meynen solchs der tuffel dieg  
der solches blüt hat zü her drieg  
Do mit er alle cristenheyt  
betrugt mit syner lüftigkeyt  
Doruff sy schwierendt einen eydt  
ein geleter iud hatt myrs geseyt  
Den glauben handt sy alle sandt  
dorumb hatt man sy offt verbrandt  
vnd ganz vertriben vß etlichem landt  
Das sy vom sacrament gesagt  
vnd von den öden iuden klagt  
Wie sy das teglich endteren  
vnd dennocht vnserer fürsten herren

Das selb den bößwichten nit werren  
Vff das man sy doch all vertrvb  
das gott vngeschendt von in belyb  
Wurdt dise klag nit gehört vff erden  
so wurdts im hymmel gehört werden  
Es stand in worheit kurz oder lang  
es kumpt ein mal der anefang  
Das man dedter vnd die hulden  
straffen wurdt mit gleichen schulden.

Wie die iudē zü schmach dē blüt  
vergiessē cristi vñ zürach irer gefēg  
nütz flüssig noch cristenē blüt stelle.

Nün kum ich vff einandre dadt  
die der iud begangen hatt  
in manchem landt in mancher statt  
Das er so flüssig stellen düt  
mit grosser sorg noch cristem blüt  
Etlich cristen wöllen sagen  
das sy heimliche krankheit tragen  
Dor zü sy cristlich blüt bedorffen  
die red müß aber ich verworffen  
Ich halt ouch selbs es sy nit wor  
sy bedorffens gar nüt vmb ein hor  
zü irer krankheit gloub mir das  
dorumb verstandt die meren bas  
das sy das dündt vß nyd vnd has



Den sy zu vns christen tragen  
den vormalß in alten tagen  
Worendt mancherleye sagen  
Es was ein man hieß appion  
der selb hatt solche red gethon  
Wie das die iuden alle vor  
ein menschen meisten vff ein ior  
Der do was vß kriechen landt  
den sy darnoch geopffert handt  
Vff iren heyligen ostertag  
dorumb ein kriech gefangen lag  
Zu Iherusalem vor zyten  
als die römer den zu mol stryten  
Vnd tytus iren tempel brach  
ein kriechen do gefangen sach  
Als man den selben vßhar dett  
dem keyser er veriehen hett  
Wie er ein ior gefangen lag  
vnd sy in vff den ostertag  
Wolten do erdöden han  
das oster opffer mit im began  
Die red hett appion gethan  
Der red wil iosephus nit gestan  
vnd spricht man lieg die iuden an  
Er schrib dry biecher wider das  
vnd sagt das es erlogen was  
Doch sy dem allen wie es mag  
es ligt ganz öflich an dem tag  
Wen sy den ostertag begon

das sy fill gbet druff lesen lon  
Wider parro vnd ir findt  
die vormalß woren vnd iezundt findt  
Dorumb ist in das cristen blät  
worlich zu keiner krancckheyt gut  
Aber wie sy vor mals dadten  
ir opffer mit ein menschen hadten  
Der von iren finden was  
also geloub ich sicher das  
Wie sy vor hyn mit andren hetten  
opffer das sy iezundt dadten  
Iezundt cristenliche kindt  
die noch nit by den ioren sindt  
Die alten wurden sich ir weren  
das man erfier die bösen meren  
Es ist gleublich was ich vch sag  
den ir ganzer ostertag  
Allein dorumb ist vff gestiffet  
das er ir find vff erd antriffet  
Wie parro der vor was ir here  
mit allem volck erdranck im mere  
Vnd sy on lezung durch hyn gingen  
gyn sytt des meres an hüben singen  
Das ir findt blät vergossen was  
des freuten sy sich alles das  
So sy nün kein parro haben  
des nemen sy ein christen knaben  
Dem sy vergiessen do syn blät  
als obs ein findt dem andren düt



Vnd wens in irem vermiffen were  
so detten sy ein gangen here  
Vnd vff erd allein irem findt  
wie sy ermorden do ein kindt  
Do die christen noch nit woren  
vor christus geburd in alten ioren  
Do handt sy das den heyden gethon  
wie sy es ietz mit christen begon  
Als solches vor sagt appion  
So nun das römisch rich vnd macht  
so manchen iuden vmb hatt bracht  
Genumen hatt das selbig landt  
das sy von gott entpfangen handt  
Verloren wider durch ir schuld  
vnd ganz nit handt der römer huld  
Die sy zerstreuwet handt vff der erd  
das sy versamlet nymer werd  
Vnd handt sy brocht in herten leydt  
dor zu in ewige dienstparkeyt  
In solchem iomer vnd in not  
wie es den in vor ougen godt  
Wie man sy brenndt vnd röst vnd südt  
dorumb sy tragen zu vns nydt  
Den die sie zerstöret handt  
die fierendt iezundt cristen standt  
Vnd ganz gar ein heydnischen orden  
so sy all sampt findt christen worden  
Dorumb der iud in sunderheyt  
syn has nur zu dem christen dreyt

Vnd wen do kumpt ir oster tag  
so alle iuden fieren klag  
Vff erden vber ire findt  
vnd sy formals entrunnen findt  
Vff künig parro dienstparkeyt  
vnd dienendt vns vff hertgem leydt  
So kynent sy ir leyd nit klagen  
vnd nyd im herten has vff sagen  
Den das sy es zeigen mit dem morde  
den ich offt hab von in gehort  
in manchem landt an manchem ort  
Zu samen druncken sy das blüt  
als dan ein findtlichs herze dütt  
Das blüt ein ewigs sygel ist  
irs findtlichs rachs wider den christ  
Vnd möcht er has so dett er has  
das blüt drinckt er vff nyd vnd has  
Mit fill gebetten die sy dedten  
wen sy ir oster zyten hetten  
Sy handt zwen tag im gangen io  
dorin sy klagen das ist wor  
Einer ist der lange tag  
vff dem sie fieren grosse klag  
Vber alles römisch rich  
das gott zerstöre gehelych  
Ir kindt die tragen hilzen schwert  
bis gott das römisch rich zerstört  
In iungen tagen reytzens die kindt  
das sy von natur vns werden findt



Er mischt des blüts in synen wyn  
wen er es socht an drincken yn  
So spricht er etlich wort dar zü  
das gott allen vnseren finden thü  
Vnd vergieß ir blüt do mit  
wie ich das iezundt vff har schüt  
Der meynung brucht er solches blüt  
als den ein findtlichs herze düt  
Doch muß ers dennocht ouch nit han  
wie wol sy handt ein freid doran  
Ein solchen man in eren hatt  
wer ein solchen mort begadt  
Ich habs von einem ein verstandt  
wie das sy gsyn in hyspanier landt  
do sy das vnder in erkandt  
In ein concilium betracht  
das die iuden handt gemacht  
Das ieder fliß sich wer do mag  
das kein ind den oster tag  
Begang von christen blüt do by  
das alle zytt ein zeichen sy  
Allen die dar syndt gefessen  
vnd handt mag kuchen do selbst gessen  
Das sy das chisten blüt erman  
mit vns ein ewige findtschafft zü han  
Wölche iuden sindt verfiendt  
das sy ein solches mördten diendt  
Vnd vmbbringen so ein kindt  
die selben ewig verpündet sindt

Also das keiner das nit sagt  
vnd den mordt vom andren klagt  
Es bhalt ouch manchen iuden fürdt  
das er dorumb nit christen würt  
Den wen er sich schon deysfen lat  
ein solchen mordt vff im hat  
Vnd brecht ein soches laster mit  
man schanckt ims worlich dorumb nit  
Darumb in solches blütes krafft  
bestetiget würdt ir brüderschafft  
Der christen hatt kein grösseren finde  
den fur wor die iuden sindt  
Die vnser blüt all tag begeren  
das sy gern vnser heren weren  
Sy durstet alle zytt vnd stundt  
noch vnserem blüt der recht blüt hundt  
Dorumb sol mans ouch mit in tryben  
das sy solch schelmen mögen blyben  
Wir ziehen ein schlangen in dem geren  
der im syn giffet nit lasset weren  
Den es sich alle stundt düt meren  
wider christum vnseren lieben herren

**Wo die falschen juden der  
unschuldigen kinder blüt  
vergossen haben.**



Ein kindlin das was Symion genant  
geboren vff dem ettsche landt  
Vnd zu trient ouch vff der statt  
do gschehen ist ein solche dadt  
Das selbig kindt handt sy gestolen  
heymelich vnd auch verholen  
Mit einem apffel zü in gelockt  
darnoch erwurget vnd erstockt  
Mit guffen als durch stoehen gas  
das syn frysch blüt lieff do har  
Das selbig sy entpfingendt als  
von sym lyb vnd von dem halß  
Vnd hands zeryffen ouch mit zangen  
von iedem gryff das blüt entpfangen  
Darnoch syn ermly vff gespreyt  
mätwyllicklich dor zü geseyt  
Also dyn gott vff gespannen wardt  
vnd von vns gepyniget hardt  
Vff vnseren heyligen oster tag  
darumb wir hüt noch fieren klag  
Von synen wegen lydstu das  
das kindlin stoehendt sy noch bas  
Darnoch zerteylten sy das blüt  
vnd hielten einen fryen mät  
als man zü iren osteren düt  
Des blüts sy gossendt in ein wyn  
vnd singendt an zü schencken yn  
Also das ieder drancke das  
ein wenig gemischet in eyn glas

das drancken sy von nyd vnd has  
Mit fill gebetten vnd mit wortten  
das gott vff erd an allen orten  
Also ir findt blüt ließ vergiessen  
do mit der cristen solte biessen  
Was er den iuden dadt vff erden  
also sy solten alle werden  
Ehenckt ermördet vnd erstochen  
das sy an ynen wurden gerochen  
Den ist im als man wollich seyt  
keyn volck vff erden nymer dreyt  
Also grossen has im mät  
als der iud züm christen düt  
Es was nit genüg das sy das kindt  
als ichs in worer kunttschafft findt  
Ermördt handt also klegelich  
sy müstens ouch verpotten glich  
Mit wortten geben zü verston  
das sy es alles haben thon  
Christo ihesum zün einer schmach  
in findtschafftys wyß in has vnd rach  
Vnd das gschabe vff ein ostertag  
als christus ihesus ouch erlag  
Vnd hie für vns gestorben ist  
das myden müß der iunge christ  
Vnd das arm vnschuldig kindt  
dar zü ich tusendt kunttschafft findt  
Den kurzlich ist geschehen das  
als Sixtus babst zü rome was



Der ein barfüßer ist gewesen  
man findt darnoch ouch in dem lesen  
Das keyser was her fryderich  
gebörner fürst vß österich  
Vß der geschicht man mercken kan  
was gunsts sy zü den christen han  
noch londt wir sy die mörder gan  
Wer nit geloubet disse dadt  
der gang gön Trient hyn in die state  
do man sy do verbrenet hatt  
Gerödert vnd mit zangen gerissen  
mit steynen vnd mit kot beschissen  
Ich will kein cristen man betriegen  
die ganz statt Trient laßt mich nit liegen  
Sy werdendt mir ein kundtschafft machen  
in differ grusamlichen sachen

¶ Darnoch im. M. cccc. vnd. lxxv. ioz  
als Symons mordt geschah vor  
Handt sy des glychen ouch gethon  
im fürgul do sag ich von  
Ein armes kindlyn ouch erdödt  
ermördet biß in letste nödt  
Gestochen vnd syn blät empfangen  
zerrissen mit gliegenden zangen  
Das blät do mit herfürher bracht  
die böswicht handts vor nie gemacht  
Vnd handt das handtwerck wol gelet  
wie man blät von kinden rört  
Das nit ein tropffen blybet dynen

Das blät vergiessen sy wol kynen  
Vnd hants an christo angefangen  
darnoch an manchem christen begangen  
Die dry die begingen solche dadt  
für man gön venedig in die statt  
do man sy gestraffet hatt  
Mit ysenen zangen zerrissen gar  
vnd darnoch verbrenet har  
Das ist kundtlich im welschen landt  
das sy die dadt getriben handt  
Noch wöllendt sy das nit geston  
so mans in bücheren list dor von  
Vnd noch leüt vff erden sindt  
die gsehen handt die selben kindt  
Ein sychre kundtschafft dor von geben  
die es gsehen handt vnd noch leben  
Noch dörfen sy hüdte reden das  
man red ins noch vß nydt vnd has  
das nie kein worheit doran was  
Von christen dündt sy solches klagen  
sy sindt allein die worheit sagen  
Die böswicht mördendt vnser kindt  
dar zü sindt sy vns im herzen findt  
Mit wücher sy vns dor zü betriegen  
vnd heysSENDT dennocht vns ouch liegen  
Vnd sprechendt das wirs dichten als  
vnd liegendts an in vnseren halß  
Wer das von eim iuden hört  
vnd sich nit zü dem böswicht kört



Vnd schlecht in nit in hals geschwindt  
der selbig ist nit christus fründt  
Doch red ich vß zornigem müet  
ein wyser sy verklagen düt

Die bößwicht noch ein dadten handt  
zü Norewick in engelandt  
do sy ein kindt wylhelm genant  
Gekruziget handt zü schand vnd schmach  
getriben vß sindtlichem rach  
Vff den Charfrytag heylig fron  
wie sy das Christus ouch handt thon  
Ich hab genant iezundt dry ort  
do sy begangen haben mozt  
Disse gschriffte erfodret nit  
das ich ir schalckeyt sag do mit  
Die sy handt triben anderfwo  
sy wurdens worlich nymer fro  
Solt ich sagen alles das  
myr sicherlichen kundtlich was  
Ich thün allein ein kurtze redt  
die sich worlich erfunden hett  
In dutschem vnd in welschem landt  
vnserem glouben als zü schandt  
Ich hab kein zwyffal das vfferden  
kurglichen sol gerochen werden  
Das vnschuldiz blüt der kinder all  
die sy handt brocht in dodes fall

## Wie die falschen juden alle brünen in düttschen landen wolten vergiffret haben.

Was die bößwicht handt im synn  
wer ist der das nit mercken kynn  
Was ich sag das sind ich wor  
das in dem. M. cccc. vnd lxxv. ior  
Die iuden in dem düttschen landt  
alle brunnen wöllen handt  
Vergifften das wir dar von stürben  
vnd mit dem giffte in dodt verdürben  
Das sindt die bößwicht die wir behieten  
die vns ein solchen schaden bieten  
So syl an in erfunden ist  
so hatten sy das zü gerist  
Wer vß ein brunnen hett gedruncken  
der wer glych zü der erd gesuncken  
Vnd hett do synen geyst vff geben  
geendet von dem giffte syn leben  
So dümer synn wardt keyner nie  
der das nit kundte mercken hie  
Was hertzen sy zün cristen tragen  
man solt sy vß dem land veriagen  
Das wir vnd christus vnser gott  
nit von in lydten solchen spott  
So weren wir sycher vor dem find  
vnd weren behietet vnser kind



Das sy mit ermordet würden  
vnd sy vff leyten vns kein bürd  
Mit wücher vnd mit schindery  
von einem gulden nemen dry  
Vnd londt sich dennoch nit beniegen  
sy heysen vns ins müll yn liegen  
Wen sy vns hoch geschediget handt  
noch blybendt sy in vnserem landt  
vns zü hoher schmach vnd schandt  
Do sy die brunnen woltendt giffen  
solch grosse mörderen stiffen  
Das kindt in wäter lyb erdöden  
das dütsch land alles thün in nöten  
Do hett man etlich tusendt brandt  
die solches giffet erdödet handt  
Hett man sy verdilket gar  
so kemen nit deglichen har  
allen tag ein nūwe klag  
Wie ietz iohanes pfeffer korn  
vnd wie diß kindlyn sy verlorn  
Er verbrandt das kindt erstochen  
als deglich dan ietz wurdt gerochen  
Wie sy das heylig sacrament  
flegelich durch stochen hendt  
Necht man ein mol der sach ein endt  
Vnd dett als man vor hatt gethon  
do man sy all hett brennen lon  
Als sy die brunnen vergiffet hatten  
vnd iren bhieteren solches dadten

Solt ich erst den iomer klagen  
den sie by künig Albrechts tagen  
Haben triben vnd begangen  
darumb sy hefftig warden gfangen  
Zü nürnberg wurgburg vnd zü hall  
do selbst man sy verbrenet all  
Sy ermordent vnser e kindt  
vnd sindt all vnser dödlich findt  
Gott helff dem armen cristen man  
der ein iüdschen arzt müß han  
Zü hall in hessen ist geschehen  
vnd hatt das pfefferkorn veriehen  
Wie er eyn arzt gewesen ist  
vnd hab gedödet dryzehen crist  
Giffet fur eynen syrup geben  
do mit gestolen inn ir leben  
Den inden ouch verkoufft ein kindt  
ach gott die falschen bößwicht findt  
vnser e ewig gschworne findt  
Das sych so dick erfunden hatt  
an manchem ort an macher stadt  
Das die worheyt lyt am tag  
vnd kein mensch das lengken mag  
Er wöll dan wie die inden sagen  
was man wider sy düt klagen  
Das selb man als erlogen hett  
vnd wens schon gott selb hett geredt  
Aber was mit in ist dran  
das londt sy für ein worheyt stan



Ich miest noch sil bapir verschriben  
doch will ich an dem nechsten belyben  
Vnd vff das selb furnemen kumen  
das ich für mich hab genomen  
Wie sy der bildung handt gethon  
marie der iunckfrouwen schon  
Das sy so schentlich handt enteret  
das iedem gruoft wer solches hœert  
Dar gegen mag ein ieder mercken  
Wie die mütter gotts düt stercken  
All die in irem dienste ston  
der sy doch keynnen will verlon  
Vff erdt vnd dort in hymels thron  
als sy dem schmydt hett hie gethon  
Dem man hie butet ewig lob  
vnd hett sy lon im hymel ob  
Sie mit freyden dort mit eren  
dis history sol billich leren  
Das wir die schnöden iuden myden  
vnd solche stuck nym von in lyden  
Sunder für mariam fechten  
mit lyb vnd leben dorumb rechten  
Sy ist das kleinöt hie vff erden  
da durch wir miessen selig werden.

A M E N



4. 567

582

*Litt. Germ.*

4. 567



